

KARANGAN 13 (NORMAL AKADEMIK)

Kamu telah menghadiri sebuah pesta makan Singapura di dewan Ekspo. Semasa sesi demonstrasi masakan satu letupan dapur gas telah berlaku. Gambarkan pengalaman dan perasaan kamu ketika itu dan ceritakan kesudahannya.

BAHAGIAN PENGENALAN

Perenggan Tumpuan Cerita

Cahaya seterang dan sekelop kilat menyelubungi dewan Ekspo. Dentuman kuat yang hampir memutuskan urat telinga menyusul. Buat seketika suasana menjadi senyap; seolah-olah masa berhenti berdetik. Sejurus kemudian terdengar jeritan dan tangisan kesakitan daripada beberapa kujur tubuh yang bergelimpangan. Dapur yang digunakan untuk sesi demonstrasi masakan masih lagi dijilat api. Cef selebriti yang diundang untuk menjayakan sesi demonstrasi tersebut terbujur kaku lima meter dari tempat letupan. Wajahnya hitam sehitam arang dan badannya berlumuran darah. Tidak jauh kelihatan seorang ibu muda yang terbaring tetapi kembali sedar. Mangsa cuba bangun tetapi tidak berupaya. Wajahnya menjadi pucat apabila dia sedar yang dia tidak mampu mengerakkan tubuhnya. Dia menjerit meminta tolong.

Perenggan Latar Cerita

Ibu muda itu adalah aku. Aku adalah salah seorang peserta yang berjaya mendapatkan tiket percuma untuk menyaksikan sesi demonstrasi masakan seorang cef selebriti tempatan di dewan Ekspo. Acara itu diadakan sempena pesta makan Singapura. Pada awalnya aku menjangkakan aku telah menjadi mangsa serangan teroris. Akan tetapi daripada desas-desus orang berhampiran aku dimaklumkan bahawa dapur gas yang digunakan rosak kerana kemungkinan terdapat sedikit kebocoran pada tub yang menghubungkan dapur dengan tong gas. Ia mungkin tidak digantikan pemaju kerana cuai. Jadi apabila cef selebriti cuba menghidupkan dapur gas tersebut, percikan api menyebabkan dapur gas itu meletup. Ini semua merupakan spekulasi awal. Apa yang sebenarnya telah berlaku hanya boleh dipastikan dengan siasatan polis.

BAHAGIAN UTAMA

Perenggan Monolog

Fikiranku masih keliru saat aku sedar daripada pengsan. Aku tidak pasti apa yang telah berlaku. Aku rasa cemas dan menjadi histeria apabila aku tidak boleh